

Rodēns jopelē

Rodou pasiova jopelē marga.
Mondriausēs raštās zgrebnā apnierē.
Dēina ēr nakti sokumpēs varga
Pri spingsoulelēs – dīvijuos svierē.

Kuokēs tuos spalvas? Šongrībiu, gēliū!
Atvažnē, struošnē numaliavuota!
Netor jopelē kēšieniu gēliū –
Kor vakarīkštē dēina kavuotē?

Mona koskelē – pati dailiausē!
Staipuos pliuotkerka daržalē galē.
Ni juokiam kruomē tuokiuos nagausi!
Kēinuo tik nuori, paklaustē gali.

Numuojēs ronka, klumpēn ož noma
Rodou, pamēslējēs tēp nurokava –
Ne tau soprastē tuoki strainoma!
Ana borniounas, kuožnam jug sava!

Vuo žemē džiaugas jopelēs šēlku,
Strainomu raštu, tam čiesou doutū.
Rodēns duosnomu, katras apvėlka –
Rēks dēdlē grētā rokoutēis so groudu.